

SKUPŠTINA KANTONA SARAJEVO

**ZAPISNIK SA
20. RADNE SJEDNICE SKUPŠTINE KANTONA SARAJEVO,
ODRŽANE 19.10.2016. GODINE SA POČETKOM RADA U 10,00 SATI**

Sarajevo, oktobar 2016.

Sjednici su prisustvovali poslanici/zastupnici:

STRANKA DEMOKRATSKE AKCIJE

1. Ademović Kemal
2. Čelik Mirza
3. Čomor Eldar
4. Delalić Sabahudin
5. Dovadžija Amar
6. Kozadra Muhamed
7. Mašović Amor
8. Mešanović Safet
9. Okerić Elmedin
10. Prevljak Fikret

DEMOKRATSKA FRONTA – ŽELJKO KOMŠIĆ

1. Dizdarević Neira
2. Kerla Bibija
3. Vukasović Mario

SAVEZ ZA BOLJU BUDUĆNOST – FAHRUDIN RADONČIĆ

1. Babić Ana
2. Bajrović Izudin
3. Lakota Rasim
4. Marić Zvonko
5. Rađo Dževad

SOCIJALDEMOKRATSKA PARTIJA BOSNE I HERCEGOVINE

1. Segmedina Bajramović Srna

NAŠA STRANKA

1. Forto Edin
2. Kojović Predrag

BOSANSKA STRANKA – MIRNES AJANOVIĆ

1. Pleho Haris
2. Rasim Smajić

BOSANSKOHERCEGOVAČKA PATRIOTSKA STRANKA – SEFER HALILOVIĆ

1. Semir Halilović

SAMOSTALNI POSLANICI/ZASTUPNICI

1. Akšamija Goran
2. Aljović Hamed
3. Bjelak Nermin
4. Bukva Sejo
5. Mekić Amel
6. Mehmedagić Mersiha
7. Pindžo Mirsad
8. Pecikoza Fahrudin

TOK SJEDNICE

20. Radnu sjednicu Skupštine Kantona Sarajevo otvorila je predsjedateljica Ana Babić (u daljem tekstu Predsjedateljica) dana 19. oktobra 2016.godine u 10,00 sati.

S obzirom da je prethodno održan nastavak 19. Radne sjednice, na istoj je konstatovano da je prema evidenciji Službe sjednici na otvaranju prisustvovalo 26 zastupnika, što je dovoljan broj za punovažan rad i odlučivanje, a svoj izostanak pravdala je zastupnica Selma Filipović.

UTVRĐIVANJE DNEVNOG REDA

Prijedlog dnevnog reda 20. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 04.10.2016.godine.

Na osnovu člana 73. Poslovnika Skupštine Kantona Kolegij je prihvatio da se Prijedlog dnevnog reda 20. Radne sjednice, dopunimo sa sljedećim tačkama:

1. Prijedlog zakona o izmjeni Zakona o komunalnoj čistoći - skraćeni postupak (razmatraće se kao tačka 3.);
2. Prijedlog zakona o izmjeni Zakona o komunalnim djelatnostima- također skraćeni postupak (razmatraće se kao tačka 4.);

Prije izjašnjavanja o Prijedlogu dnevnog reda, *zastupnik Predrag Kojović* je kao Predlagač, povukao *Prijedlog zakona o prijavljivanju, utvrđivanju porijekla i kontroli imovine izabranih i imenovanih dužnosnika, nosilaca izvršnih funkcija i savjetnika u Kantonu Sarajevo* sa dnevnog reda.

TAKO DA JE SKUPŠTINA ZA 20. RADNU SJEDNICU SKUPŠTINE KANTONA SARAJEVO JEDNOGLASNO (29 „ZA“) USVOJILA SLJEDEĆI DNEVNI RED:

1. Poslanička/zastupnička pitanja, inicijative i odgovori;
2. Prijedlog zakona o izmjeni Zakona o komunalnoj čistoći-skraćeni postupak;
3. Prijedlog zakona o izmjeni Zakona o komunalnim djelatnostima- skraćeni postupak ;
4. Prijedlog zakona o izmjeni i dopuni Zakona o vodama Kantona Sarajevo -skraćeni postupak;
5. Nacrt zakona o prostornom uređenju Kantona Sarajevo;
6. Nacrt zakona o upravljanju zajedničkim dijelovima zgrade;
7. Nacrt zakona o muzejskoj djelatnosti;
8. Nacrt zakona o biomedicinski potpomognutoj oplodnji u Kantonu Sarajevo;
9. Prijedlog odluke o izmjeni Odluke o preuzimanju prava osnivača Javne ustanove Studentski centar Sarajevo u dijelu kojim obezbjeđuje životni standard studenata („Službene novine Kantona Sarajevo“, br.: 24/00, 21/06 i 45/15);
10. Prijedlog odluke o pristupanju izradi Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća) - za period 2019. do 2039. godine;
11. Prijedlog odluke o pristupanju izradi Urbanističkog plana za urbano područje Trnovo - za period 2019. do 2039. godine;

12. Prijedlog odluke o pristupanju izradi Urbanističkog plana za urbano područje Hadžići - za period 2019. do 2039. godine;
13. Prijedlog odluke o pristupanju izradi Urbanističkog plana za urbano područje Ilijaš - za period 2019. do 2039. godine;
14. Prijedlog odluke o pristupanju izradi Prostornog plana područja posebnog obilježja zaštićeni pejzaž "Trebević";
15. Prijedlog odluke o davanju saglasnosti Kantonalnom javnom komunalnom preduzeću "Tržnice-pijace" d.o.o. Sarajevo za rješavanje imovinsko-pravnih odnosa na zemljištu označenom kao k.č. 3655 površine 7m² iz zk ul. 1593 SP SARAJEVO – MAHALA CXXXV radi oblikovanja građevinske parcele;
16. a) Izvještaj o poslovanju Kantonalnog javnog preduzeća za gazdovanje državnim šumama "Sarajevo – šume" d.o.o. Sarajevo za 2015. godinu;
b) Izvještaj o poslovanju KJP "ZOI '84" Olimpijski centar Sarajevo d.o.o. Sarajevo za 2015. godinu;
17. Izvještaj o radu i finansijskom poslovanju, na koje je prethodno dato mišljenje ovlaštenog revizora, Kantonalnog stambenog fonda Sarajevo za 2015. godinu;
18. Izvještaj o radu Nezavisnog odbora za period januar-juni 2016.godine;
19. Studija o zdravstvenom stanju stanovništva, higijenskim prilikama i zdravstvenoj djelatnosti u Kantonu Sarajevo u 2015. godini, sa Mišljenjem Ministarstva zdravstva i Prijedlogom mjera za poboljšanje zdravstvenog stanja stanovništva i higijenskih prilika na Kantonu Sarajevo;
20. Informacija o stepenu realizacije skupštinskih zaključaka za čiju je realizaciju zadužena Vlada Kantona Sarajevo.

Zastupnik Semir Halilović je podnio poslovničku intervenciju za izmjenu Poslovnika Skupštine Kantona Sarajevo u smislu kažnjavanja neblagovremenog dolaska na sjednice.

Predsjedateljica je navela da je zastupnicima dostavljen sljedeći informativni materijal:

- Izvještaj o radu Policijskog komesara za period april-juni 2016. godine

U daljem toku sjednice predsjedateljica je otvorila realizaciju tačaka dnevnog reda.

AD – 1.

POSLANIČKA/ ZASTUPNIČKA PITANJA I INICIJATIVE

Predsjedateljica je pozvala zastupnike da podnesu svoja zastupnička pitanja i inicijative po abecednom redu, koje prenosimo u cijelosti (citiramo).

Poslanik/zastupnik Neira Dizdarević:

„Za danas imam dvije zastupničke inicijative. Moja prva zastupnička inicijativa upućena je Ministarstvu saobraćaja Kantona Sarajevo za rješenje problema koji je posebno evidentan u poslijepodnevnim satima, kada dolazi do takoreći potpunog "zakrčenja" ulice Vrbanja, na dionici od tržnog centra SCC do mosta Suade i Olge, u dužini od nekih 150 m. Na istoj dionici trenutno nema nikakvih građevinskih objekata koji bi spriječili eventualno proširenje pomenute ceste, postoji stari ruševan zid, jedan napušteni kiosk, te par stabala. S obzirom da je ispred ulaza u SCC centar cesta već proširena na 2+2 saobraćajne trake, kao i na mostu Suade i Olge, moj prijedlog je da se razmotri mogućnost proširenja te dionice, čime bi se naravno riješio ogroman problem saobraćajnih gužvi. Molim Ministarstvo saobraćaja da razmotri moju inicijativu i dostavi odgovor, u rokovima definisanim Poslovníkom.

A drugu inicijativu upućujem Vladi Kantona Sarajevo da pokrene aktivnosti koje će osigurati pravo prednosti u javnim ustanovama u Kantonu Sarajevo, bez čekanja u redu, za porodice djece sa posebnim potrebama, odnosno osoba sa težim invaliditetom.

Naime, jedan od mnogobrojnih problema sa kojima se svakodnevno susreću porodice djece s poteškoćama u razvoju je izvršavanje obaveza izvan kuće, koja naravno uključuju javne ustanove (posjeta doktoru, plaćanje računa, ovjeravanje zdravstvene knjižice, javljanje na Zavod za zapošljavanje, i slično). Da bi član porodice djeteta s poteškoćama u razvoju obavio nešto od navedenog, neophodno je organizovati pomoć nekog bliskog, da za to vrijeme ostane naravno sa djetetom. U težem su položaju porodice koje nemaju ovakav vid podrške. Naravno, ne postoji čarobni štapić koji će riješiti porodica djece sa posebnim potrebama, odnosno osoba sa težim invaliditetom, ali evo ova moja inicijativa je ovaj mali korak ka tome gdje ćemo putem davanja prednosti porodicama djece sa poteškoćama u razvoju u JU, uz naravno posjedovanje odgovarajuće iskaznice ili akreditacije kojom bi se dokazala potreba istog, skratiti vrijeme potrebno za izvršavanje neophodnih obaveza. U ambulantama i ostalim JU postoje natpisi gdje prednost imaju RVI, naravno šehidske porodice, negdje trudnice, pa ja predlažem da se uz ove grupe istakne i pravo prednosti za porodice djece i osoba sa invaliditetom. „

Zastupnik Edin Forto:

„Imam jedno zastupničko pitanje i jednu inicijativu. Pitanje se odnosi, ustvari tražim odgovor od Vlade Kantona Sarajevo, tačnije od premijera Konakovića, nakon što nismo dobili odgovor od ministarstva saobraćaja koji smo uputili prije 15 mjeseci. Radi se o inicijativi vijećnika Naše stranke u Opštini Stari Grad, u vijeću Stari Grad gdje smo pokrenuli inicijativu a koje je opštinsko vijeće usvojilo i poslalo Ministarstvu saobraćaja da se preispita održavanje linija minibuskih u sljedećim naseljima u Starom Gradu. Znači: Mahmutovac, Barice, Komatina, Hladvode, Brusulje, Vratnik i druge starogradske mahale i naselja. Mi znamo kakav je problem održavanje ovih linija. Mi smo u toku protekle godine pozvali Kantonalnu inspekciju da uporedi ono što Gras objavljuje kao svoj zvanični red linija, sa stvarnim stanjem na terenu. Ispostavilo se da 90% linija u pomenutim naseljima, ili se ne održava redovno ili se ne održava nikako. E sada, ja sam svjestan i to može biti vjerovatno jedan od odgovora ovog ministarstva da je u toku nabava, da je tender pokrenut, da ćemo dobiti 12 minubusa i slične odgovore, međutim, zbog ozbiljnosti i zbog činjenice da su prošli svi normalni rokovi za odgovor na ovo pitanje i ovu inicijativu, sada ne više od Ministarstva saobraćaja, od Vlade zahtijevam pismeni odgovor kako bi to mogli proslijediti u Opštinsko vijeće Stari Grad, pa molimo vas da nam to obrazložite.

Moja inicijativa se odnosi na sljedeće: pokrećem inicijativu za stvaranjem obrazovnog programa za ortoprotetičke tehničare, tačnije za tehničare izrade ortopedskih pomagala a u okviru sistema dodatnog osposobljavanja lica za završenom srednjom stručnom spremom. Ovo upućujem prema Ministarstvu zdravstva koje treba zajedno sa ministarstvom obrazovanja pokrenuti ovaj program, definisati ga, upisati ove ortoprotetičare u zvanični spisak zanimanja i pokrenuti ovaj program kod odgovarajućih srednjih škola. Ne bih posebno naglašavao važnost jedne ovakve inicijative. Činjenica je da ogroman broj ljudi koji koriste ortopedska pomagala nemaju adekvatan način da bi modificirali ili prilagodili ova pomagala sebi što stvara jedan problem u uključivanje ovih ljudi u svakodnevni život. Mislim da je ovo jedna pozitivna inicijativa koju će oba ova ministarstva podržati. Imam još jednu samo napomenu. Molim ministricu zdravstva da mi odgovori na pismeno pitanje koje sam postavio, u vezi sa postavljanjem UO ZZO. Vi ste meni dostavili ova druga pitanja koja sam postavio i mogu reći da sam zadovoljan detaljnošću ovih odgovora ali molim vas da mi i to pošaljete napismeno. Ako niste dobili ja imam potvrdu da sam to predao na protokol. Ako niste dobili,

poslat ćemo ponovo. Znači imenovanje UO ZZO. Ja nisam dobio odgovor. Ako jeste, u redu je. „

Zastupnik Bibija Kerla:

„Ja želim da postavim danas jedno pitanje i jednu inicijativu. Što se tiče pitanja ono se odnosi na OŠ Hrasnom. Ja sam prije par sjednica postavila pitanje zašto u toj OŠ imamo dva direktora, i još danas danile nisam dobila adekvatan odgovor i još uvijek postoje ta dva direktora i s obzirom da su ljudi primijetili da sam ja zainteresovana za tu temu, dobila sam izuzetno veliki broj materijala kojima se čak šta više radi o nekim kriminalnim radnjama u toj osnovnih školi a vezano za tog direktora, pa bih ja molila ministra obrazovanja da dobijemo danas usmeni i ustvari pismeni odgovor na ovo pitanje. A što se tiče moje inicijative, tiče se jučerašnje sjednice Skupštine Kantona Sarajevo. Nakon mog izlaganja dobila sam bezbroj poruka u kojima su ljudi osuđivali postupak nekih naših zastupnika, gdje su se jednostavno, da ne kažem, ismijavali mom izlaganju. I zato ja molim sve svoje kolege u Skupštini da se pridržavamo kodeksa, da uvažavamo jedni druge, jer nismo svi rođeni za govornika, za govornike, ali smo rođeni da radimo i da doprinosimo u radu ove Skupštine. I zato ja predlažem da u buduću pazimo kako se ponašamo, jer ako to prikazujemo sebi ovdje u Skupštini i šta misli lite kako narod razmišlja o nama kada vi te scene koje se dešavaju u Skupština Kantona Sarajevo. Na žalost nije to samo u mom slučaju. To je bilo i u slučaju predsjednice Skupštine, gdje su se neki ismijavali kako gospođa priča. Zato molim svoje kolege da u buduću paze malo kada je direktan prijenos Skupštine. „

Zastupnik Zvonko Marić:

„Ja sam u niz navrata postavio pitanje koje se odnosi na status i događanja vezano za hotel Maršal ili Famos kako g ko već molim. Dakle, molim definitivno ja neću sada da vršim pritisak bilo kakav na ministra Šabića. Ovaj put ću to da izostavim ali sasvim sigurno da bi bilo pristojno da znamo koji je status tog hotela, jer on očigledno propada, dešavaju se čudne stvari oko toga. Tamo uprava ne funkcioniše. Ne provodi se sanacioni plan. Gospođi koja tamo radi po dva sata, ja ne znam, to nije ni trudničko radno vrijeme, a prima 2500 KM pa te nemile scene oko sukoba porodica, njene porodice sa nekim ljudima koji su došli, itd. Mislim da na neki način to kompromitira i Ministarstvo privrede ali i sasvim sigurno i Vladu Kantona Sarajevo. Prema tome da se definitivno zna, ako je sudbina tom hotelu namjena da propadne i da se privatizira kao što je to slučaj bio sa domom umirovljenika, penzionera, kako hoćete u Nedžarićima, nikad odgovor na to pitanje nisam dobio iako sam ga postavio prije 17 mjeseci. Ali saznao sam iz medija da je odlučeno da se proda taj hotel. Prema tome molim vas ako je to odlučeno da se to uradi sa ovim neka nam se kaže da se ne bavimo više ovim pitanjem. Bože moj, to je očigledno takva ekonomija zasnovana, a mislim da takav model nigdje na svijetu ne postoji da se bazira samo na prodaji i na zaduživanjima. Gdje taj model može da uspije? Pa tu nema ekonomije. I zato molim vas, koji je status, da li je uknjižen taj hotel da Kanton Sarajevo? Da li je još uvijek podijeljena nadležnost sa federalnim ministarstvom da znamo i da mi se decidno odgovori na takvo pitanje. Da ne bi smo dolazili u ovakve nezgodne situacije i mi zastupnici da postavljamo takva pitanja i dovodimo u nezgodnu situaciju Vladu koja možda nema veze sa tim i to se očigledno završava u nekim drugim centrima i završimo definitivno s takvim pitanjima. „

Zastupnik Segmedina Srna Bajramović:

„Imam danas jedno zastupničko pitanje. Naime, uzimajući u obzir činjenicu da smo 22.02. o.g. usvojili Zakon o plaćama i naknadama članova organa upravljanja i drugih institucija Kantona, kantonalnih javnih preduzeća i javnih ustanova, te da smo članom 19 istog Zakona, predvidjeli rokove za usklađivanje određenih propisa koji su već odavno istekli, a znače direktno materijalnu implementaciju zakona, tražim od Vlade, tj resornog ministarstva da mi

se dostavi informacija da li je završena navedena implementacija po članu 19 u okviru kantonalnih institucija i koji su direktni finansijski efekti. Molim da mi se navedena informacija dostavi u tabelarnom pregledu po pojedinačnim institucijama koja uključuje finansijsko stanje prije i nakon implementacije odredbi samog zakona. Jasno je kako smo kod usvajanja konkretnog Zakona imali najave konačnog uvođenja reda u okviru svih institucija koje su u vlasništvu Kantona te stoga i ovo moje pitanje prirodni slijed stvari u isključivoj namjeri da svi zajedno u odgovarajućem vremenskom odmaku analiziramo dosljednost u primjeni navedenog zakona i njegove efekte. „

Zastupnik Mario Vukasović:

„Za danas imam pripremljene dvije inicijative. Prva inicijativa jeste upućena Tužilaštvu Kantona Sarajevo, Vladi Kantona Sarajevo i UO JU Studentski centar Sarajevo. Prošlo je skoro pet mjeseci od kako je Skupština kas oborila dva finansijska izvještaja Studentskog centra za dvije godine uzastopno. Podsjećamo da je Zakon eksplicitan u ovom slučaju. Da je UO moraju postupiti po zakonu i razriješiti direktora nakon ne izglasavanja ovih izvještaja. Na prošlomjesečnoj sjednici sam postavio upit za UO zašto nisu postupili po zakonu, oni su se oglašili, stoga ovim putem prosljeđujem navedeni slučaj prema Tužilaštvu Kantona Sarajevo kako bi se utvrdila krivična odgovornost UO i Vlade Kantona Sarajevo kao nosioca osnivačkih prava za ne postupanje po Zakonu. Ostatak obrazloženja će biti dostavljeno Tužilaštvu.

Što se tiče druge inicijative, želio bih predložiti jednu afirmativnu inicijativu za naš Kanton koja bi pomogla da se približimo malo europskim i svjetskim tokovima. Svjedoci smo velikog zagađenja u našem gradu, a koje je velikim dijelom uzrokovano ispušnim plinovima koja ispuštaju auta. Ti plinovi doprinose čak 30% kompletnoj količini emisije svih štetnih gasova u atmosferi. Trend u svijetu danas jeste da se ljudi ohrabruju da kupuju automobile koji malo zagađuju ili električne automobile koji su u potpunosti ekološki prihvatljivi i koji nikako ne zagađuju okolinu, te su zemlje EU uvele posebne povlastice za građane koji se odluče kupiti jedan takav EU. Nažalost, osim što nemamo nikakve povlastice i pogodnosti prilikom kupovine električnih i ekološki prihvatljivih vozila mi nemamo gdje ni napuniti takav automobil ukoliko se neko od građana odluči kupiti. Svjedoci smo da je Sarajevo sve veći turistički hit, a da u EU danas imamo skoro 3 miliona električnih automobila te da je i ovo jedan od faktora koji bi uticao na to da li će neko doći u naš grad ili neće. Dokaz tome je da je hotel Meriot ugradio privatnu stanicu za punjenje električnih automobila u septembru, namijenjen isključivo svojim gostima, a sve to jer su imali veliki broj upita od strane turista koji su dolazili u naš grad. Stoga podnosim inicijativu da se u sredstvima planiranim za iduću godinu, izdvoje sredstva za postavljanje makar jedne stanice za punjenje električnih automobila u centru na nekoj od lokacija u kantonu, po mogućnosti centru grada. Molim Vladu Kantona Sarajevo da se izjasni o navedenom prijedlogu te da dostavi odgovor u roku definisanim u Poslovniku. „

Prešlo se na razradu druge tačke dnevnog reda.

AD -2.

PRIJEDLOG ZAKONA O IZMJENI ZAKONA O KOMUNALNOJ ČISTOĆI-SKRAĆENI POSTUPAK

Predsjedateljica je podsjetila da su zastupnici dobili materijale uz poziv za sjednicu.

Ministar komunalne privrede i infrastrukture Senad Hasanspahić i premijer Elmedin Konaković su podnijeli uvodno izlaganje u skladu sa članom 158. stav 2. Poslovnika Skupštine Kantona Sarajevo u cilju obrazlaganja prijedloga da se pretres provede po skraćenom postupku.

U diskusiji su učestvovali zastupnici: Edin Forto i Mirsad Pindžo,

Skupština je većinom glasova (21 „za“) prihvatila prijedlog da se pretres Prijedloga zakona o izmjeni zakona o komunalnoj čistoći provede po skraćenom postupku.

U diskusiji su učestvovali *premijer Elmedin Konaković i zastupnik Mirsad Pindžo.*

Premijer Elmedin Konaković je zamolio da se odloži izjašnjavanje po ovoj tački dnevnog reda dok se ne pripreme kopije saglasnosti opština za sve zastupnike, što je podržano.

Prešlo se na razmatranje treće tačke:

AD – 4.

PRIJEDLOG ZAKONA O IZMJENI I DOPUNI ZAKONA O VODAMA KANTONA – skraćeni postupak

Ministar privrede Muharem Šabić je obrazložio prijedlog skraćenog postupka za donošenje ovog Zakona.

Zastupnici su većinom glasova (22 ZA) podržali da se pretres Prijedloga zakona o izmjeni Zakona o vodama Kantona provede po skraćenom postupku.

Anes Podić, predsjedavajući Udruženja građana Eko akcija se obratio na današnjoj sjednici po ovoj tački dnevnog reda.

Pitanje je postavio *zastupnik Semir Halilović*, a gospođa Aida Fetahagić je odmah odgovorila na isto.

Dodatna pojašnjenja su dali *premijer Elmedin Konaković i ministar Muharem Šabić.*

U diskusiji su učestvovali zastupnici: *Mirsad Pindžo, Zvonko Marić, Eldar Čomor, Edin Forto, Mirza Čelik.*

Premijer Elmedin Konaković je dao odgovore na neka postavljena pitanja u toku diskusije.

SKUPŠTINA JE VEĆINOM GLASOVA (25 „ZA“) DONIJELA ZAKONA O IZMJENI I DOPUNI ZAKONA O VODAMA KANTONA.

Predsjedateljica je pozvala zastupnike da se izjasne po prethodnim tačkama koje su bile odložene na prijedlog premijera.

AD-2.

SKUPŠTINA JE VEĆINOM GLASOVA (29 „ZA“) DONIJELA ZAKON O IZMJENI ZAKONA O KOMUNALNOJ ČISTOĆI.

AD – 3.

SKUPŠTINA JE VEĆINOM GLASOVA (28 „ZA“) DONIJELA ZAKON O IZMJENI ZAKONA O KOMUNALNIM DJELATNOSTIMA.

Peta tačka dnevnog reda:

AD – 5.

NACRT ZAKONA O PROSTORNOM UREĐENJU KANTONA SARAJEVO

Ministar prostornog uređenja, građenja i zaštite okoliša *Čedomir Lukić* je dao uvodno obrazloženje.

Nije bilo prijavljenih zastupnika za pitanja, a u diskusiji su učestvovali zastupnici: *Edin Forto, Segmedina Srna Bajramović, Safet Mešanović*, nakon čega je ministar Lukić dao određena dodatna pojašnjenja i odgovore.

SKUPŠTINA JE JEDNOGLASNO (30„ZA“) DONIJELA SLJEDEĆE ZAKLJUČKE:

1. *Utvrđuje se Nacrt zakona o prostornom uređenju Kantona;*
2. *Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće 60 dana.*
3. *Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.*
4. *Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o prostornom uređenju Kantona.*

Šesta tačka dnevnog reda:

AD – 6.

NACRT ZAKONA O UPRAVLJANJU ZAJEDNIČKIM DIJELOVIMA ZGRADE

Ministar prostornog uređenja, građenja i zaštite okoliša *Čedomir Lukić* je dao uvodno obrazloženje.

Zastupnici *Edin Forto, Zvonko Marić, Amor Mašović, Segmedina Srna Bajramović* su učestvovali u otvorenoj diskusiji.

SKUPŠTINA JE JEDNOGLASNO (23 „ZA“) DONIJELA SLJEDEĆE ZAKLJUČKE:

1. *Utvrđuje se Nacrt zakona o upravljanju zajedničkim dijelovima zgrade;*
2. *Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće 60 dana.*

3. *Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.*
4. *Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o upravljanju zajedničkim dijelovima zgrade.*

Sedma tačka dnevnog reda:

AD – 7.

NACRT ZAKONA O MUZEJSKOJ DJELATNOSTI

Predsjedateljica je pozvala ministra kulture i sporta Mirvada Kurića da u ime Predlagača podnese uvodno izlaganje.

Obzirom da nije bilo prijavljenih zastupnika za pitanja i diskusiju predsjedateljica je pozvala zastupnike da se izjasne o sljedećim zaključcima:

1. *Utvrdjuje se Nacrt zakona o muzejskoj djelatnosti;*
2. *Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće 30 dana.*
3. *Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.*
4. *Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o muzejskoj djelatnosti.*

SKUPŠTINA JE JEDNOGLASNO (24 "ZA") DONIJELA OVE ZAKLJUČKE.

Osma tačka dnevnog reda:

AD – 8.

NACRT ZAKONA O BIOMEDICINSKI POTPOMOGNUTOJ OPLODNJI U KANTONU SARAJEVO

Predsjedateljica je konstatovala da su zastupnici dobili Nacrt uz poziv za sjednicu.

Zastupnica Sabin Ćudić je kao Predlagač podnijela uvodno izlaganje.

U diskusiji su učestvovali zastupnici: Kemal Ademović, Rasim Smajić, Zvonko Marić, Goran Akšamija, Segmedina Srna Bajramović, Fikret Prevlja. Zastupnica Sabina Ćudić je u više navrata davala pojašnjenja svog prijedloga.

Resorna ministrica zdravstva Zilha Ademaj je iznijela stavove ministarstva zdravstva po ovom pitanju.

Nakon diskusija predsjedateljica je pozvala zastupnike da se izjasne po ovom Nacrtu.

SKUPŠTINA NIJE (11 „ZA“) PRIHVATILA NACRT ZAKONA O BIOMEDICINSKI POTPOMOGNUTOJ OPLODNJI U KANTONU SARAJEVO.

U nastavku sjednice, premijer Elmedin Konaković je povukao tačku devet dnevnog reda u ime Predlagača.

Predsjedateljica je potom prekinula 20. Radnu sjednicu obzirom da su zastupnici iscrpljeni cjelodnevnim zasjedanjem.

Zapisnik izradila:
Lejla Kadrić

Po ovlaštenju
SEKRETAR
SKUPŠTINE KANTONA SARAJEVO
Almira Kulovac Šetkić, dipl. pravnik

PREDSJEDATELJICA
SKUPŠTINE KANTONA SARAJEVO
Prof. Ana Babić

**ZAPISNIK SA
NASTAVKA 20. RADNE SJEDNICE
SKUPŠTINE KANTONA SARAJEVO
ODRŽANE 26.10.2016.GODINE**

Sjednici su prisustvovali poslanici/zastupnici:

STRANKA DEMOKRATSKE AKCIJE

1. Ademović Kemal
2. Čelik Mirza
3. Čomor Eldar
4. Dovadžija Amar
5. Kozadra Muhamed
6. Mašović Amor
7. Mešanović Safet
8. Okerić Elmedin

DEMOKRATSKA FRONTA – ŽELJKO KOMŠIĆ

1. Mario Vukasović

SAVEZ ZA BOLJU BUDUĆNOST – FAHRUDIN RADONČIĆ

1. Babić Ana
2. Bajrović Izudin
3. Filipović Selma
4. Lakota Rasim
5. Marić Zvonko
6. Rađo Dževad

SOCIJALDEMOKRATSKA PARTIJA BOSNE I HERCEGOVINE

1. Segmedina Bajramović Sma
2. Slaviša Šućur

NAŠA STRANKA

1. Forto Edin
2. Kojović Predrag

BOSANSKA STRANKA – MIRNES AJANOVIĆ

1. Pleho Haris
2. Rasim Smajić

BOSANSKOHERCEGOVAČKA PATRIOTSKA STRANKA – SEFER HALILOVIĆ

1. Semir Halilović

SAMOSTALNI POSLANICI/ZASTUPNICI

1. Bjelak Nermin
2. Aljović Hamed
3. Mekić Amel
4. Pecikoza Fahrudin
5. Akšamija Goran
6. Bukva Sejo
7. Mehmedagić Mersiha
8. Pindžo Mirsad

TOK SJEDNICE

Nastavak 20. Radne sjednice Skupštine Kantona Sarajevo otvorila je predsjedateljica Ana Babić (u daljem tekstu Predsjedateljica) dana 26. oktobra 2016.godine u 10,00 sati.

Prema evidenciji Službe sjednici je na otvaranju prisustvovalo 29 zastupnika, što je dovoljan broj za punovažan rad i odlučivanje, a svoj izostanak pravdala je zastupnica Bibija Kerla.

Predsjedateljica je podsjetila zastupnike da se na prethodnom zasjedanju koje je održano 19.10.2016.godine obradilo osam tačaka dnevnog reda, a da je premijer Elmedin Konaković povukao devetu tačku, te su tako za nastavak sjednice preostale sljedeće tačke dnevnog reda:

10. Prijedlog odluke o pristupanju izradi Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća) - za period 2019. do 2039. godine;
11. Prijedlog odluke o pristupanju izradi Urbanističkog plana za urbano područje Trnovo - za period 2019. do 2039. godine;
12. Prijedlog odluke o pristupanju izradi Urbanističkog plana za urbano područje Hadžići - za period 2019. do 2039. godine;
13. Prijedlog odluke o pristupanju izradi Urbanističkog plana za urbano područje Ilijaš - za period 2019. do 2039. godine;
14. Prijedlog odluke o pristupanju izradi Prostornog plana područja posebnog obilježja zaštićeni pejzaž "Trebević";
15. Prijedlog odluke o davanju saglasnosti Kantonalnom javnom komunalnom preduzeću "Tržnice-pijace" d.o.o. Sarajevo za rješavanje imovinsko-pravnih odnosa na zemljištu označenom kao k.č. 3655 površine 7m² iz zk ul. 1593 SP SARAJEVO – MAHALA CXXXV radi oblikovanja građevinske parcele;
16.
 - a) Izvještaj o poslovanju Kantonalnog javnog preduzeća za gazdovanje državnim šumama "Sarajevo – šume" d.o.o. Sarajevo za 2015. godinu;
 - b) Izvještaj o poslovanju KJP "ZOI '84" Olimpijski centar Sarajevo d.o.o. Sarajevo za 2015. godinu;
17. Izvještaj o radu i finansijskom poslovanju, na koje je prethodno dato mišljenje ovlaštenog revizora, Kantonalnog stambenog fonda Sarajevo za 2015. godinu;
18. Izvještaj o radu Nezavisnog odbora za period januar-juni 2016.godine;
19. Studija o zdravstvenom stanju stanovništva, higijenskim prilikama i zdravstvenoj djelatnosti u Kantonu Sarajevo u 2015. godini, sa Mišljenjem Ministarstva zdravstva i Prijedlogom mjera za poboljšanje zdravstvenog stanja stanovništva i higijenskih prilika na Kantonu Sarajevo;
20. Informacija o stepenu realizacije skupštinskih zaključaka za čiju je realizaciju zadužena Vlada Kantona Sarajevo.

Prešlo se na realizaciju preostalih tačaka dnevnog reda.

Predsjedateljica je predložila, a zastupnici jednoglasno (29 "ZA") podržali prijedlog da se tačke dnevnog reda od AD - 10. do AD - 14. razmatraju objedinjeno, a o istima se provede pojedinačno izjašnjavanje, jer se sve odnose na razmatranje prijedloga odluka o pristupanju izradi urbanističkih planova.

AD – 10. do AD – 14.

PRIJEDLOG ODLUKE O PRISTUPANJU IZRADI URBANISTIČKOG PLANA URBANOG PODRUČJA SARAJEVO (STARI GRAD, CENTAR, NOVO SARAJEVO, NOVI GRAD, ILIDŽA I VOGOŠĆA) - ZA PERIOD 2019. do 2039. godine.

PRIJEDLOG ODLUKE O PRISTUPANJU IZRADI URBANISTIČKOG PLANA ZA URBANO PODRUČJE TRNOVO - ZA PERIOD 2018. DO 2038. GODINE.

PRIJEDLOG ODLUKE O PRISTUPANJU IZRADI URBANISTIČKOG PLANA ZA URBANO PODRUČJE HADŽIĆI - ZA PERIOD 2018. DO 2038. GODINE.

PRIJEDLOG ODLUKE O PRISTUPANJU IZRADI URBANISTIČKOG PLANA ZA URBANO PODRUČJE ILIJAŠ - ZA PERIOD 2018. DO 2038. GODINE.

Po svim tačkama uvodno izlaganje je podnio resorni ministar prostornog uređenja, građenja i zaštite okoliša *Čedomir Lukić*.

Pitanje je postavio zastupnik *Slaviša Šućur* a odgovor dao ministar.

U diskusiji je učestvovao zastupnik *Mirsad Pindžo* koji je predložio skraćenje zadatih rokova u prijedlozima odluka, s čim se ministar *Čedomir Lukić* saglasio.

Potom su diskutovali *Hamdija Efendić* direktor Zavoda za planiranje razvoja Kantona Sarajevo i premijer *Elmedin Konaković*, nakon čega se prešlo na pojedinačno izjašnjavanje po odlukama.

SKUPŠTINA JE JEDNOGLASNO (29 “ZA”) USVOJILA ODLUKU O PRISTUPANJU IZRADI URBANISTIČKOG PLANA URBANOG PODRUČJA SARAJEVO (STARI GRAD, CENTAR, NOVO SARAJEVO, NOVI GRAD, ILIDŽA I VOGOŠĆA) - ZA PERIOD 2019. DO 2039. GODINE

SKUPŠTINA JE JEDNOGLASNO (29 “ZA”) USVOJILA ODLUKU O PRISTUPANJU IZRADI URBANISTIČKOG PLANA ZA URBANO PODRUČJE TRNOVO - ZA PERIOD 2018. DO 2038. GODINE.

SKUPŠTINA JE JEDNOGLASNO (29 “ZA”) USVOJILA ODLUKU O PRISTUPANJU IZRADI URBANISTIČKOG PLANA ZA URBANO PODRUČJE HADŽIĆI - ZA PERIOD 2018. DO 2038. GODINE.

SKUPŠTINA JE JEDNOGLASNO (29 “ZA”) USVOJILA ODLUKU O PRISTUPANJU IZRADI URBANISTIČKOG PLANA ZA URBANO PODRUČJE ILIJAŠ - ZA PERIOD 2018. DO 2038. GODINE.

Četrnaesta tačka dnevnog reda:

AD – 14.

PRIJEDLOG ODLUKE O PRISTUPANJU IZRADI PROSTORNOG PLANA PODRUČJA POSEBNOG OBILJEŽJA ZAŠTIĆENI PEJSAŽ “TREBEVIĆ“

Ministar prostornog uređenja, građenja i zaštite okoliša Čedomir Lukić je u ime Predlagača podnio uvodno izlaganje.

U diskusiji je učestvovao *zastupnik Mirsad Pindžo* koji je dao prijedlog skraćanja rokova. Odgovor je dao *ministar Čedomir Lukić*.

SKUPŠTINA JE JEDNOGLASNO (25 „ZA“) DONIJELA ODLUKU PRISTUPANJU IZRADI PROSTORNOG PLANA PODRUČJA POSEBNOG OBILJEŽJA ZAŠTIĆENI PEJSAŽ “TREBEVIĆ“ .

Petnaesta tačka dnevnog reda:

AD - 15.

PRIJEDLOG ODLUKE O DAVANJU SAGLASNOSTI KANTONALNOM JAVNOM KOMUNALNOM PREDUZEĆU “TRŽNICE-PIJACE” D.O.O. SARAJEVO ZA RJEŠAVANJE IMOVINSKO-PRAVNIH ODNOSA NA ZEMLJIŠTU OZNAČENOM KAO K.Č. 3655 POVRŠINE 7M² IZ ZK UL. 1593 SP SARAJEVO – MAHALA CXXXV RADI OBLIKOVANJA GRAĐEVINSKE PARCELE

Zastupnici su materijale dobili uz poziv za sjednicu.

Ministar komunalne privrede i infrastrukture *Senad Hasanspahić* je u ime Predlagača podnio uvodno izlaganje.

U diskusiji je učestvovao *zastupnik Edin Forto* na čije izlaganje je zastupnik Safet Mešanović uložio zastupničku intervenciju, insistirajući da zastupnik diskusiju vodi u skladu sa tačkom dnevnog reda.

SKUPŠTINA JE VEĆINOM GLASOVA (21 „ZA“) DONIJELA ODLUKU O DAVANJU SAGLASNOSTI KANTONALNOM JAVNOM KOMUNALNOM PREDUZEĆU “TRŽNICE-PIJACE” D.O.O. SARAJEVO ZA RJEŠAVANJE IMOVINSKO-PRAVNIH ODNOSA NA ZEMLJIŠTU OZNAČENOM KAO K.Č. 3655 POVRŠINE 7M² IZ ZK UL. 1593 SP SARAJEVO – MAHALA CXXXV RADI OBLIKOVANJA GRAĐEVINSKE PARCELE.

Šesnaesta tačka dnevnog reda:

AD – 16.

- a) **IZVJEŠTAJ O POSLOVANJU KANTONALNOG JAVNOG PREDUZEĆA ZA GAZDOVANJE DRŽAVNIM ŠUMAMA “SARAJEVO – ŠUME” D.O.O. SARAJEVO ZA 2015. GODINU;**
- b) **IZVJEŠTAJ O POSLOVANJU KJP "ZOI '84" OLIMPIJSKI CENTAR SARAJEVO d.o.o. Sarajevo ZA 2015.GODINU**

Predsjedateljica je predložila, a zastupnici jednoglasno podržali da se provede jedinstvena rasprava o oba predložena Izvještaja, a pojedinačno izjašnjavanje.

Ministar privrede Muharem Šabić je podnio uvodno izlaganje.

Pitanja su postavili zastupnici: *Segmedina Srna, Zvonko Marić, Semir Halilović, Slaviša Šućur, Nermin Bjelak, Mario Vukasović.*

Direktor „ZOI'84“ Midhat Hubijar je dao odgovore na postavljena pitanja. Potom su dodatna pitanja postavljali zastupnici: *Segmedina Srna Bajramović, Zvonko Marić.*

Direktor „Sarajevo – šuma“ Nermin Demirović je također dao odgovore na pitanja.

U diskusiji su učestvovali zastupnici: *Edin Forto, Mersiha Mehmedagić, Slaviša Šućur, Zvonko Marić, Eldar Čomor, Safet Mešanović, Muhamed Kozadra, Mirsad Pindžo.*

SKUPŠTINA JE VEĆINOM GLASOVA (24 "ZA") USVOJILA IZVJEŠTAJ O POSLOVANJU KANTONALNOG JAVNOG PREDUZEĆA ZA GAZDOVANJE DRŽAVNIM ŠUMAMA “SARAJEVO – ŠUME” D.O.O. SARAJEVO ZA 2015. GODINU.

SKUPŠTINA JE VEĆINOM GLASOVA (20 "ZA") USVOJILA IZVJEŠTAJ O POSLOVANJU KJP "ZOI '84" OLIMPIJSKI CENTAR SARAJEVO D.O.O. SARAJEVO ZA 2015.GODINU.

Sedamnaesta tačka dnevnog reda:

AD - 17.

IZVJEŠTAJ O RADU I FINANSIJSKOM POSLOVANJU, NA KOJE JE PREDHODNO DATO MIŠLJENJE OVLAŠTENOG REVIZORA, KANTONALNOG STAMBENOG FONDA SARAJEVO ZA 2015. GODINU

Uvodno izlaganje je podnio ministar Čedomir Lukić.

Nije bilo prijavljenih zastupnika za pitanja niti diskusiju pa je predsjedateljica pozvala zastupnike na izjašnjavanje.

SKUPŠTINE NIJE (3 "ZA") USVOJILA IZVJEŠTAJ O RADU I FINANSIJSKOM POSLOVANJU, NA KOJE JE PREDHODNO DATO MIŠLJENJE OVLAŠTENOG REVIZORA, KANTONALNOG STAMBENOG FONDA SARAJEVO ZA 2015. GODINU.

Osamnaesta tačka dnevnog reda:

AD – 18.

IZVJEŠTAJ O RADU NEZAVISNOG ODBORA ZA PERIOD JANUAR-JUNI 2016.GODINE

Predsjedavajući Nezavisnog odbora Dragan Međović je povukao ovu tačku dnevnog reda sa današnje sjednice.

Devetnaesta tačka dnevnog reda:

AD – 19.

STUDIJA O ZDRAVSTVENOM STANJU STANOVNIŠTVA, HIGIJENSKIM PRILIKAMA I ZDRAVSTVENOJ DJELATNOSTI U KANTONU SARAJEVO U 2015. GODINI, SA MIŠLJENJEM MINISTARSTVA ZDRAVSTVA I PRIJEDLOGOM MJERA ZA POBOLJŠANJE ZDRAVSTVENOG STANJA STANOVNIŠTVA I HIGIJENSKIH PRILIKA NA KANTONU SARAJEVO

Ministrica zdravstva Zilha Ademaj je podnijela uvodno izlaganje.

Kako nije bilo prijavljenih diskutanata, predsjedateljica je pozvala zastupnike na izjašnjavanje.

SKUPTŠINA JE VEĆINOM GLASOVA (22 "ZA") USVOJILA STUDIJU O ZDRAVSTVENOM STANJU STANOVNIŠTVA, HIGIJENSKIM PRILIKAMA I ZDRAVSTVENOJ DJELATNOSTI U KANTONU SARAJEVO U 2015. GODINI, SA MIŠLJENJEM MINISTARSTVA ZDRAVSTVA I PRIJEDLOGOM MJERA ZA POBOLJŠANJE ZDRAVSTVENOG STANJA STANOVNIŠTVA I HIGIJENSKIH PRILIKA NA KANTONU SARAJEVO.

Dvadeseta tačka dnevnog reda:

AD – 20.

INFORMACIJA O STEPENU REALIZACIJE SKUPŠTINSKIH ZAKLJUČAKA ZA ČIJU JE REALIZACIJU ZADUŽENA VLADA KANTONA

Predsjedateljica je obavijestila zastupnike da za ovu sjednicu nema informacija o stepenu realizacije skupštinskih zaključaka, te zaključila sjednicu u 13 sati i 17 minuta.

Zapisnik izradila:

Lejla Kadrić

**Po ovlaštenju
SEKRETAR
SKUPŠTINE KANTONA SARAJEVO
SARAJEVO**

Almira Kulovac Šetkić, dipl. pravnik

**PREDSJEDATELJICA
SKUPŠTINE KANTONA**

Prof. Ana Babić